



詩林正集

序

國子助教塘西宋先生左彞自定其詩為學古
集四卷於生平所作十不存一宜與吳仲倫序
之既捐館舍其子咸熙時熙為刻以行世又褻
其所刪者附刻若干首而俾元照為之序元照
既卒業乃歎先生之定詩其識甚不可及也夫
文人之病莫大乎嚴於人而恕於己人之清詞
麗句可以詠歌者以我法繩之吹其毛而索其
癥彈射無完膚然後快於心而於己之所作雖

詩為學古
吳仲倫序



序

國子助教塘西宋先生左彝自定其詩爲學古
集四卷於生平所作十不存一宜與吳仲倫序
之旣捐館舍其子咸熙時熙爲刻以行世又褻
其所刪者附刻若干首而俾元照爲之序元照
旣卒業乃歎先生之定詩其識甚不可及也夫
文人之病莫大乎嚴於人而恕於己人之清詞
麗句可以詠歌者以我法繩之吹其毛而索其
癥彈射無完膚然後快於心而於己之所作雖



未盡美視之若盡美矣雖未盡善讀之若已盡善矣撫卷反覆吟諷嗟賞存之猶恨其不多奚以刪爲然若斯人豈故欲自畱疵累以招世之詆訶乎其識之不精無可如何且以離婁之明苟非鑑何以見其面學者之鑑安在在乎求諸古而已矣旨哉先生之於學古名其集也其得鑑矣得鑑則於已之妍媸向所不得見者今乃盡見之存其妍者去其媸者又何難也然而先生所自以爲媸者猶勝夫人之所自以爲妍者

多矣其可聽其散落而弗收乎且使世之人讀所刪者益以知先生所存者之不苟而先生斷斷學古之微意庶幾可見矣則斯刻之爲功於先生詩豈其淺哉元照辱先生知幾十年與成熙婚媼也若舅弟也於其索文又安敢辭嘉慶十年歲次端蒙赤奮若夏五月通家子歸安嚴元照拜書

牧牛村舍外集目

卷一

古今體詩四十七首

卷二

古今體詩五十六首

卷三

古今體詩五十七首

卷四

古今體詩五十三首

牧牛村舍外集卷一

仁和宋大樽左彝著

悲育蠶 并序

已亥夏育蠶倍往歲桑葉不足有吳
興人鬻女買葉於樂兒錢被竊蠶餓
死大半越日歸見其妻跪縊桑下從
之縊女欲殺蠶蠶已僵附桑下尸女
觸桑死

女顏如花女命豈如葉以女飢蠶眠者立昨日

雨蠶之涎今日雨乃蠶泣偷兒免餓蠶弗及忍
以賣券易彼縣帖母膝連桑根父膝桑根接桑
生附枝何太捷父蠶奴母蠶妾蠶亦知之不能
任俠拾葉打蠶葉飛如蝴蝶蠶已飛來風颯颯
恐父膝污泥恐母膝污泥願爲靺鞨兒更願爲
桑葉香如艾蒨魂歸見地下父母父母閉戶飢
蠶詫蠶螫燐灼葉葉猶溼兒來蠶驚且勿入

九日偕諸友人登高和朱駕部

西風下太行猶尚滯他鄉莽莽寒原外蕭蕭白

草荒千峯幾孤客四海又重陽把酒聊相勸依
然對菊黃

文丞相祠

樓船奈隔路漫漫像對南雲淚未乾潮斷海猶
憐白雁國亡天亦忌黃冠血埋柴市臣心盡身
離崖山後死難千載鄉邦來後學大書縑尾與
人看

酬屠二丈

有田不耕偏作客依人人亦同落魄老翁此日

何所求萬事好是生前休杏花天暖不凍死典
衣且上燕姬樓樓頭不止如淮酒天上黃河落
吾手無端遙望江南春風月別來無恙否當年
邂逅在旗亭一曲雙鬟共解醒公然拍手開懷
抱欲訴平生恨不早願學神仙七貴輕會見崑
崙五嶽小黃金揮手隨客散朱顏轉眼先花老
關山幸對酒人多飽落羞逢春色好匆匆一夕
分南北欲往從之無兩翼豈知九陌風塵閒把
臂殷勤忽共攀相逢一笑墮馬下不知遺卻珊

瑚鞭盧頭美酒且痛飲醉來回首江南天何必
山中抱黃犢長安市上可高眠

邊馬四首

風塵萬里路蒼茫神駿爭誇老驪驢夜靜驚嘶
青海月秋高卓立黑山霜已逢虎將生堪托未
掃龍堆氣肯揚惠養兼年知遇久壯心今得報
沙場

春來遊騎滿長安獨爾偏知行路難電影已先
飛鳥沒霜蹄不踏落花殘徠從西極歸心斷窟

飲長城戰血乾猶有貔貅憐其命相依聊當故
人看

幾家戍婦別愁新憐爾從軍共苦辛花冷錦韉
何處路月明金埒夢中人龍城躍去疑無地烏
道飛還信有神私向房星禱歸騎渡河一洗舊
邊塵

捷書終奏國西營牧向秋原已息兵昂首果然
殊骨相長嘶直欲訴平生蹄穿天外新降國耳
熟軍中舊賜名不爲邊寧思伏檻空山風雨夜

猶驚

食熊掌

鷄乃無後指貓乃無前足瞿如足有三鷓鴣足
有六禮或足揖人怪或手操竹或跡解跡迹或
跡躔跡速或類掌狃多或似熊腳駁扣跋孰特
美算蹄不勝錄惟封熊之蹠爲孟子所欲獵火
千山紅毛光二尺綠乍焱焱炎旋洶洶旭旭
健駭麀膽怖怒走獃圈束石室危搗穴尾旌陡
豎燾熊將敵對壘熊侯的中鵠股弁官蹶張牙

擗血拇逐拏攫瓠未徼舛談銳將舛參左象給
廚華胥夢躋谷服刑殺又別踏市肆仍鋌怕乎
善陞甌悵矣好緣木并輪菴以行焉能踊而哭
蹄者胡瓜名獸也寓豸屬格懸紐尋槿縛釋萃
脫桔澆店賣未專膳祖巧初摧臭腥簷風散泥
沒井華漉蒸應效裝分界早劃跼曲爛毛躄刮
垢摩皸甲退殼割平趺平均審反盪反覆薄切
跖忽干消肥膏論斛中斷短疑脛珍擣擊訝跣
湛期清酤斂薪燁燭火熇南田秋捕寒西奧夏

氣酷蟄近竈窗啓齧受金底獄鼻選鼯亦嗅目
食耗屢矚大嚼已搗織活鬻竟膈熟須防善鼠
盜那禁遠狼卜腸未易鱣鱣巢忽居鵠鵠垂涎
獸遙噓會食獵共較泛卮豕吞船下箸爆橫稍
腳麟昔誰持手羆今始握枝大似臙疾擊脫猶
墮塚孽指昂蝮虺諸指列烏蠅蹠分幕不張踵
狹箕必學上跗盜敦厥下趺絕重濁理文躄羅
羅厚皮胝齧齧側安能抵隄反不慮挽觸駢跂
毋綿孿距隨允塵邈斷鼈有神靈佩龜膳骨鱗

爛較羊胃甚脆比馬甲得叶和如蜂蜜淹香於
 杏漿沃大肚何婪酣毒口勝义蔌或長齒若鯨
 或倨牙若駮或若鴟仰嚇或若雀俯嚼或若猴
 能消或若鷓善捉或好若鳳竊或就若鴨噉或
 若鸚頰藏或若牛齧出叶吟咀味駮緩鬻決濡
 馱促夔一足嘗初蟹兩螯進復似交合非互徬
 無對且複升房俎半體沈杵珏二玉窺左左不
 彳桎右右不于唇何渠尚腥胎何渠煮豹叶隔
 是盤八仙矧又壺百福增笑語喧呶除苛禮握

齟月艷艷簾櫳曲畧畧箏筑踈戰談舊蹤拳搏
 逞新兒嚙食少鷓鴣醉步共蹠踔強辭嚼復嚼
 雅諱服不服綺筵撤佳設羣奴肆餘啄四足美
 乏庶三羣鬪非獨體吸水涓滴髓碎石犖确已
 止又焉貪爪爪無由搦鴻頭那有刺鼈腳維何
 菽空負儕劔童母乃遜田僕居然飲是斗忽爾
 檜其尊切踣以夜繼枕杜有客宿晨將見蹠踵
 煖豈來樸渥儲與歷六更狔獠待三朔來者猶
 可追不然則已蹙肩臑一之甚髀脛再則告欠

二者猝遽第三物殼鯨連羈昨頰麋偏引頃倚
鹿彘肯後蹄廢垢尚翹尾陸跋逆彌明知行倒
劉闢覺少半倏太半攙拊笑麤拊郡是胸臆改
亭以鮎埼築安得山爲耳常使河滿腹銜閒招
殘魂甑外拾賸馥素從雪落膚爽到花放醜眇
不知所蹠求之此其躅萬物試元覽危機每傾
撲揜象探口牙跋犀脫頂角投巖香剔麝斫樹
翎拔鶴叶如何枉舌舐悔不早掌縮我未飛而
食餐或冬則獨有五百斤磨無三十擔肉尉荒

納膾場贊匿拂蔬國叶誰能長脂腴而使職怙
祿千金勿製駝萬錢敢受鮓射館輸有幾名都
災未數虎爪詎熊醜豚蹄且狗續縱當心有白
莫得隴望蜀言小可喻大知足則不辱

大金川凱歌四首

轟天叩籠匝妖氛豺虎高蟠猛冠羣霹靂一聲
齊破膽不知何處下將軍
吐番熟戶接氏羌路出桃關盡版章何事駝
來五萬鳴笳搥鼓獻壺漿

酬庸 寵錫上公優盛世功名罕匹儔始笑虎
頭猶拓落書生投筆但封侯
花巖山外散雲屯沱水無邊溢 聖恩昨日入
方風雨會萬年冰已泮春溫

送月檣弟歸里

不盡傷心事豈唯行路難病中思骨肉此日正
饑寒出郭更無語臨歧轉強歡僕夫知此意背
立發長嘆

接內所寄書

老母書未寄寄自久病妻書來亦何速驚愕手
倒持中有珠一琲胡爲爲我貽殷勤勸買妾奉
侍須家姬况爾猶好學寒燠如未知驚定幾回
讀喜極還生悲母言猶在耳在母生前歸家已
逾八口藜藿聊充饑棄之殊未安攜歸非所宜
看朱欲成碧作繭將縑絲紙上淚痕溼始知有
淚垂

塞上曲

三月春光盡何人不憶家可憐塞北雪猶似江

南花

庚戌元旦 勅賜百官 保和殿侍宴

恭紀

忝與大酺樂微臣寵欲驚人來
天上坐春向日邊生異數榮
君賜私情遺母羹瘦羊猶自
愧何以荅昇平

送別里中潘又江

相逢忘卻在他鄉鄉語喁喁秋夜長
擁被欲眠眠不得一燈風雨話錢唐

塞上曲

名姬蠻女調鸚鵡小史吳羹製橐駝
莫更鄉心動秋夜黃雲萬里月無多

禽言二首

割麥插禾鷺將嘗茄子其蹉跎蹉跎則那
子歸子歸去膝下焉依子歸子歸欲反哺其時

懷歸

捧檄平生願如何欲掛冠祇緣慈母望不覺宦
情闌草隔江鄉綠風連海國寒忍教添白髮爲

我憶長安

別都中友人

同儕忽驚疑相送殊無聊君亮策高足意氣昔
已豪何弗奉老母一水寧迢迢所言亦我願頽
放空自嘲豈不戀茲土來日非今朝飄然從此
去回首如雲霄

曉發

凍斷荒雞鳴隨身古劍橫三更千里雪匹馬亂
山行路漬頻年淚天寒近海城高堂更辛苦深

夜夢難成

聞女郎玉冠歌有感

生難生兮死難死海枯石爛猶追悔等閒失足
有英雄晚歲傷心亦如此

趙北口曉行

僕夫皮肉向風裂龜手半死鞭執血樹巔寒雞
忽亂號馬背霜華墮如雪此閒楊柳似江南今
逢搖落人何堪寒雞莫把惡聲送車中恐有江
南夢

雄縣晚次

依舊雄關路蕭蕭古木風寒生鴉背上愁在馬
蹄中向晚篝燈亂逢年麥飯豐多情今夜月猶
自照途窮

登岱四首

中原突兀此崑崙青帝何年伴帝孫缺補東南
盤地軸氣通閭闔豁天門蒼龍入峪凌空臥白
虎窺經對石蹲五嶽壯遊今日始區區嫁娶不
須論

清齋未致三千日古磴先攀五十盤地底羣山
平似鑿盃中滄海靜疑乾回瞻匹練鄉心動欲
摘匏瓜夜色寒不信飄飄同玉女竟來天外振
風翰

夜分日觀曙光新萬象昭回耀八垠芝草三宮
天上種桃花四月雪中春境多靈氣開神府生
卽蒼顏笑丈人七十二君封禪處如何舊跡莽
荆榛

流霞一盃餘宿醺還年曾許稷邱君松梢猶掛

秦時月鶴背誰乘海上雲巖宇虛無懸貝闕石
函斑駁闕星文已呼九萬仙人下靜夜笙竽到
處聞

勸酒歌爲吾漁璜農部作

男兒不封萬戶侯只須消盡平生愁區區窮餓
何足道安能相對如楚囚聳身忽有雙飛翼遙
指青山留秘錄不求富貴求神仙但駐顏光願
亦足文成五利長已矣誰說神仙總不死蓬萊
卻在懷抱間不過人生行樂耳仙桃一放三千

年三千年後花亦殘人生百歲苦易滿況此百
歲還偶然茫茫萬事復何有不如且飲盃中酒

經下邳懷留侯

擊秦已輕生辟穀乃惜死前豈有黃石公後亦
無赤松子神仙不得得考終昔未報讐今成功
韓彭蒞醢誰執咎鵠飛千里笑走狗

漂母祠

將相侯王種微時命更窮哀之非望報此意有
誰同楚漢無雙士壺飧第一功祠堂猶好在如

母乃英雄

項王墓

夜深髣髴離長嘶墓門颯颯悲風吹二十八騎
枉決戰取彼一將終何爲有船不渡寧勿死王
亦英雄非豎子吁嗟乎千金之頭德故人如何
當日忘君臣

京口阻風三首

黑雲墮地風湧浪長江直走金焦上男兒莫笑
龍颯風處禪安得夢寐無驚魂只有夜伸兩腳

晝掩門

屋茅三重亦生翼捲起江南墮江北嗚呼更有
荒城低倚黃河邊千人萬人哭向井底年復年
誰司土者亦孔艱

枯木堂中有枯禪大地欲動耳不喧北固樓中
有狂客待看雪花捲如席行人目斷天茫茫恨
不捩舵回故鄉鄰舟何事不得已如此風波竟
行矣

途中送汪敏未

忽自掉頭去臨歧笑不言風威侵馬縮河影射
城昏何日同歸里謀生但灌園扁舟互來往相
與話寒暄

歌風臺

威加海內氣縱橫纔是歸來衣錦榮亭長已知
天子貴官家也起故鄉情百年父老誇湯沐一
劍風塵話太平始信英雄是天授文章猶冠漢
西京

傷歌行送別鄭四

事疇

兩家店十字路行何早住何暮獨行歧路心如
何天涯地角愁思多歸去某邱復某水日日相
逢有故人相看惟故里故人故里知不知幾日
又將何所之

淮陰釣臺

乞食英雄事寧羞漂母餐三秦可傳檄百戰罷
垂竿歸路王孫草浮名大將壇何人更哀汝淮
水繞臺寒

館娃宮懷古

牛牛村舍集 卷一
憑弔已千載今猶感慨同繁華有銷歇詞客無
終窮安得浣紗女長留空山中古來歌舞地每
變梵王宮

五人墓

一擊禡闔魄何來七尺軀鐵花開墓道白虎護
頭顱朝內半義子庸中五匹夫古來讀書者往
往愧屠沽

懷舒鐵雲

我所思思爾吹笛江頭時今已依人爲窮餓我

更何依閉門臥可憐鄧禹只笑人男兒何事猶
沈淪我謂人生富貴苦不如行樂無冬春風飄
殘笛入我夢月亦知之共相送相送處情依依
卻恨江頭太早歸

射虎行壽李虞人

山前黃肩翁山後白額虎人勇虎益怒虎怒人
亦侮臂指寸成鐵指矢而臂弩左手埒虎鬚右
手揮白羽觀者如堵各戰股置虎忽作折腰舞
有兒知之來衛父卻已鮒背毛髮古待生七世

孫喚翁九代祖

天台戚鶴泉過訪卽送別

自有仙都春桃花送別新美人耀朝日何處避
風塵去去鬱紆念悠悠要路津饑寒吾黨事知
爾不憂貧

牧牛村舍外集卷一終

牧牛村舍外集卷二

仁和宋大樽左彝著

悲歌爲駱母石蘭老人作并序

駱母姓胡氏名慎儀山陰人爲儀仙
秀才繼室蚤寡翁歿於官母自粵西
抵洪州有句云七櫬十三人艱危仗
一身今年淚洗面不敢痛傷神人目
爲女少陵予于甲午入都與合子
善得拜母焉尋子亦夭沒

女子多才且勿喜甘口同生七人死不死者誰
仗女子忍饑褰裙幾千里水有山兮山有水觀
者疑神自疑鬼廉吏本無家土穴聚螻蟻賣文
聊作活好文者有幾重到長安更何倚饑不讀
書無一是兒饑兒讀母弗筆大風張弩蓬擲矢
慷慨悲歌不能罷不及古人吁可恥蒼茫欲喚
英雄起老婢吞聲掩兩耳造物忌才從此始噫
嘻乎悲哉孤兒纔壯又已矣童孫幸勿成名士

懷徐漑餘水部塞上三首

氊裘漢吏舊仙郎茜帽番僧諸夏疆不盡風雲
先出塞無多魂魄莫思鄉貧來壁耀銅牙弩病
後瓢腥鹿尾漿敢信丁零餘盜盡夜深區脫嶭
相望

驛靜明駝萬國歡將軍談笑斬樓蘭田屯部曲
囊弓出門對河源把酒看野馬沙雞還逐隊青
燐白草渺生寒關中徙去稱豪傑轉羨書生慣
據鞍

誰和窮荒倚馬吟元戎留守共登臨貝葉經還

通譯合涼州曲已當鄉音時平莫弛三邊備地
險方知百戰心滅死流移曾不少塞雲磧月
主恩深

謝友人貽安平泉二首

涓涓流山隈遙遙到村塢疑載白雲來門前忽
微雨

贈君溪上月月墮權歌裏相思卻相見故人澹
如此

河之水三首

河之水嗚咽不成聲驅馬不敢飲中有戰血腥
河之水卽是長城窟別淚逐河流多於古戰血
淚亦有時滅血亦有時乾山頭望夫石風雨年
年寒

送戴大之京江

山水無餘暑請君乘興遊塔懸滄海影虹跨大
江秋白紵調絃索金錢當酒籌英雄不可見潮
汐自悠悠

感贈

物類彙編卷二
三
蒼茫西已盡流沙一劍飄零去國賒死別望收
城下骨生還笑見夢中花山橫橦索通仙路天
落皮船接古查多謝春風留待客當年相識五
侯家

送張八丈雪濤從軍臺灣

援手舊縫掖孤查老客星颶風吹劍冷海色上
睂青喻檄驚三島揚帆効百靈寧同下帷者寂
寞守遺經

奉寄方二青門官甘肅

君乃狷者笑我狂君之經濟由文章百年本是
遠行客三日可憐新嫁孃吳山越水棄在此紫
塞黃河誰更長官不愛錢真其信他年閭里有
輝光

得徐漑餘水部自塞上還朝消息

關外更逢關山前復有山上天疑地盡垂死竟
生還泣斷高堂夢年摧壯士顏河流與歸客作
伴到人閒

折楊柳

初種是何人何人是初折折處已重生生卽識
離別

小海唱 并序

子胥諫而靡軀且投諸海國人所爲
悲其烈也今其辭逸補之

何弗登臺且勿登臺麋鹿來白馬不來

林屋洞歌寄周礪阿

誰與見初闢之鴻濛未有仙之人何爲銀房石
室金庭玉柱忽已續列空山中昨訪君兮五湖

濱君自白髮而紅顏言生此仙山俾人惟所欲
爾但見五湖水一掬包山山一握不見洞穴之
相通以萬里浩浩乎南羅浮北岱嶽西峨嵋東
王屋無不爲洞天之別隴叶嗟哉愁毒煩摧心
肝美人大笑聲落雲端旣我笑復我憐若有仙
官兮遊歛飄翩敕下士受言言不可聞如指洞
天洞天寂寂仙不可接妬君紅顏偏似昔紅顏
似昔樂未窮樂莫樂兮手把七十二朶青芙蓉
吁嗟乎芙蓉不落兮髮已蕭騷小人有母兮不

物類彙編卷二
五
敢天上乎逍遙

奉荅鐵雲

憶別金臺日相憐卻一般已知爲客苦敢忘慰
親歡憂患文章老飄零去住難幾時揚得意一
笑遇長安

雙節篇

爲蕭山汪明府輝祖
母王徐二節婦作

嗟乎哉孤兒苦孤兒苦苦人一母苦孤兒兩母
苦上下白頭黃口孰養而撫持我手中線爾兮
恤我鬻汝嫁時衣我兮憐汝爾我前規後矩曷

其奈何尚有構侮其誰能禦勿聽人言不欲離
鄉土感且豺虎夏楚夏楚嚴如父教兒窮盍爲
師儒達公輔雛五色羽兩烏千古願世世子孫
賢如母此語姑語非姑語越國祖以下在泉臺
咸語迺命姑語嗟乎哉樂莫樂兮三婦樂苦莫
苦兮二婦苦孤兒慎勿自言苦願世世子孫慎
勿忘賢母矧苦苦

徐水部自塞上還

刀環日日唱長安 詔許還 朝振羽翰赭面

塵沙疑透骨驚心寢食不離鞍射鵬人已囊弓
遁聚米山猶駐節看萬里歸來翻涕淚小臣長
荷主恩寬

白雲泉

泉上白雲起道人作幢蓋偶來白雲中回看白
雲外

得方二青門甘肅消息

晨起正相憶與信會陌頭心憐司牧賢口具司
牧憂旋風馬前來戰鬼聲啾啾死已不自哀子

孫無田疇馬上發悲歌淚下不能收險阻亂所
恃饑寒亂所由卓哉司牧心庶以垂鴻猷

性公房

空香生淨土冷光闕古屋四時皆秋聲蕭蕭幾
竿竹

懷嶽

我昔苦齷齪飄然上太山竟隨黃鵠舉俯仰窮
方圓如何嬰世網恍別三千年玉女知尚在安
能憶人間

漁歌

攜來筇杖是魚叉歸去掀髯傲小娃好向春風
齊插鬢杖頭紅處挂桃花

儂家門外卽烟波結得比鄰晚更多一點蚌燈
三孔笛渠儂吹笛我儂歌

飲超山下野人家

幽居迷處所那比公卿門遙遙白雲間喚客有
酒人三杯忽快意世事寧復論醉倒掬寒泉自
洗胸中塵更招山月來松影覆滿身仰視青天

高何處來遠春

石屋洞歌

君不見小謝吟青山二百年來無此作大蘇飲
黃樓三百年來無此樂此作不可繼此樂猶可
同安能青天騎白龍誰禁掉臂空山中空山無
人坐古佛烟霞滿屋吹松風不見蘇太守哀吾
生已後如見題名時掀髯快飲酒酒徒如吾吾
亦誇荷鋤種秫爲生涯當年日夕守章句何如
洞口之山家醉顏笑對如桃花

過元妙觀雲墟山房訪王含山尊師有觀

蕉池五老石
青霞洞諸勝

蕉花爲誰放相待雲陽墟五老顧而笑千年此
敝廬乍逢褚高士但著養生書攜手青霞洞山
中好隱居

懷金山寺

拳石入諸天蛟龍窟寺前江濤鐘外響海月鉢
中圓玉帶無雙士銅瓶第一泉烟波秋後夢半
在小紅船

贈張八丈雪濤三首

始信真名士心餘一寸丹老成惟報國嘯傲
不爲官古劍鋒寧折靈湫螿自蟠文章卽經濟
拜獻九重看

何處荷蘭國書生曾往還論兵三島外揮塵丑
侯閒螺女都輸粟鼇峰不掩關饒歌成馬上海
水照權顏

微尚寄邱壑相思歲屢更何心依節度只願慰
蒼生公輔酬知己陬隅識舊名停雲吟自好那

物類彙編卷二
九
許遠歸耕

贈陳白雲

名山有雙劍此劍古人知
雄者飛入海去去任
所之雌者化筆鋒藝苑開
風霾斷彼小儒舌衛
此典誥詞平生思古人
古人忽在茲才高皆欲
殺所幸知者稀一瞬已千載
有人長相思

贈朱秋巖

髫年別母飽風塵盡改鄉音已
十春莫向天涯
訴離恨更誰知是異鄉人

寄俞大

鹽官城外風怒號憶君何時罷釣
鼇潮聲遠搖
吳越動海色倒射雲霞高牙籤三萬家
學舊斗
酒十千客興豪出門大笑歸更樂我輩
不憚居
蓬蒿

支硎山中峯寺訪念亭上人不值

上人
有句

云清磬有時發
梅花無數深

清句山中得還尋靜者論遙遙石徑
蘚隱隱芒
鞋痕空翠欲墮影古松如避喧何須
賓主意余

亦澹忘言

鄧尉山暮歸

鐘聲四山發隱隱歸樵夫明月挂孤墻梅花香
五湖游心正岑寂抱影生踟躕空谷饒禪侶蒲
團已自娛

下石樓遂至潭東潭西

天風響自然誰能得其真悟彼湖淼漫更與風
吐吞焉測從此去居然寂無喧流光相溯洄土
壤絕埃氛農歸古田舍犬吠喬木根智慧隨化

泯妙善游心存孤景猶有偶初迹了何因願言
泛舟艫試與靈威論

蟠螭山石壁下眺太湖

逸翮拂霄下天風正颼颼玉女一明鏡吹墮何
處樓蛾眉影猶青慰我離別愁安能不歸去笑
對三千秋

坐雨花橋懷漁洋山人

夫君遊橋上蘭芷餘芳馨采采不我遺悠悠空
涕零依稀從此去寂寞未重經河嶽在東土回

物類彙編卷二
瞻猶秀靈

歸馬行 并序

方青門仕甘肅免歸顧所騎馬曰騎
已數年舍去賣脯矣挈歸杭見者義
之且詠歌之

明府忽然作馬語馬首就戮猶人苦明府有功
法不誅馱明府者草不如當時馬代明府足此
時明府代馬哭明府老矣不裹尸老革生隨明
府歸江花江草娛人老馬亦踏花復嚙草草死

妻子俱徬徨乞食還添一口糧糧空見馬額有
泚馬已掉頭去飲水人貧馬賤卻可憐人歌馬
舞非偶然他邦赤子願爲馬安得如此牧馬者

秋夜

感歎亦已晚蕭條自此時西風殊未已遠道更
何之依舊繁華子有無瓊樹枝誰憐今夜夢一
一是相思

懷友人

揚子津頭水何曾斷客舟有人從此去那得不

物類彙編 卷二
悠悠底事還留滯誰家賣酒樓六朝人不見誰
與訴閒愁

九月廿三日對菊之作

終歲掩關坐寂寥誰過從茆茨霜更早余亦帶
秋容明月一瓢酒白雲三徑松敢違慈母意長
作此花農

攬鏡

青鬢恍如昨如何漸白頭低徊不敢照又是一
年秋

送屠二丈之嘉定署中

長鑱久欲伴畦丁爭奈當門列騎停俠客囊空
春貰酒訟庭人靜晝橫經窗前邛竹侵衣綠天
半娥眉壓鬢青尚有侯芭思問字浮雲偏隔子
雲亭

懷彭鍊師

騎杖飄然去高眠岱頂雲閒誇黃閣老狂入紫
鸞羣日月壇中護仙凡洞口分琅函留鳥跡欲
補古碑文

山塘暮歸懷圓上人

暮送酒徒去日歸乘釣船
寒燈照流水古塔生荒煙
遙憶冥棲者於時獨渺然
相望離言說佇楫落花邊

太白酒樓

壺觴偶然爾賓主自千秋
誰繼斯人後還登此處樓
高懸岱嶽影遠繞黃河流
只有杯中月猶聞笑語留

遊金山寺懷汪曉峯

萬里滔滔水何來島嶼青
登樓入海市洗鉢汲江星
花繞雲中塔龍聽雨後經
蒼茫望吳楚誰與把仙醺

邗江雜詠

渭城珍重唱何戡未渡黃河醉尚堪
此去離亭千萬樹不知何處是江南

共把閒愁管送迎幾回向客若爲情
佛狸祠畔神鴉散暮雨蕭蕭到五更

蜀岡詩酒傳名勝隋苑煙花戀帝家
明月二分

分占盡平山堂與玉鉤斜
曉風殘月劇堪憐夢續揚州不計年一種荒寒
誰管領杜司勳讓柳屯田

懷邵十四粵中

東指雲生處迢迢感歲華杯浮三島月詩艷百
蠻花紫閣童攜劍紅樓妾憶家歸來貧莫厭仙
飯有胡麻

牧牛村舍外集卷二終

牧牛村舍外集卷三

仁和宋大樽左彝著

維揚懷古

玉鉤斜畔接雷塘已有樓臺鎖夕陽莫上蜀岡
高處望美人黃土亦滄桑

曲水亭懷汪曉峯廣文

涪翁去後孰題詩第二泉邊對酒時一萬五千
三百頃芙蓉湖畔寄相思

歷支硎靈巖天平諸山歸叙懷

匆匆二十載復此山中役芳草一何深失我舊
時迹言念同遊者久矣泉臺隔新人如舊人轉
眼亦古昔對此春色媚何如笑言劇悠悠百年
後孰是青眼客

送別李雲裳孝廉二首

浩蕩空孤海上鷗還將短髮對人羞天涯多少
傷心淚盡向西風作別愁
撫絃纔鼓伯牙琴珍重臨期一片心把酒莫嫌
頻話別明朝便少故鄉音

乞兒歌

湖上路相隨遊女去但憐花下人誰憐花下墓
墓中之人曾少年及時不樂何茫然王侯將相
等閒事空使桃花繞墓田乞兒乞兒不受憐生
如廉吏受一錢死便埋我無留連

懷月檣弟楚中

應候相思淚醒來靜夜分卻憐非楚雨那得入
湘雲昨夢乘黃鶴蕭蕭落木聞無由見顏色祇
見雲中君

物類彙編 卷三
憶爾從軍苦，狂夫敢憶家。不知重九日，笑見幾
黃花。妻子餐英慣，空來亦嘆嗟。忘饑慕仙子，只
是飲流霞。

送金大

歸來頭白又飄蓬，遙望金陵別淚中。猶有故園
花送客，春風吹不到江東。

宿徑山松源菴

巢居此宛然，僧樓在松巔。松花滿禪榻，昨夜未
曾眠。忽又松風響，於時宜鼓絃。遙知寺門外，吹

綠菖蒲田

遊大滌山棲真洞，上東西二石臺。臺在洞內

綠壁而上

我身非白雲，竟上空中臺。舉頭見仙姥，笑問何
時來。吾願老母壽，跪乞流霞盃。仙乎猶人子，憐
我平生懷。

月夜石梁觀瀑

我欲持北斗，酌泉獻高穹。道人但搖手，其上橫
蒼龍。須臾玉女鏡，已挂瓊臺東。照見水晶簾，空

明千萬重天風莫吹捲夜護神仙宮仙樂奏何時千春猶未終祇憐夜何促日射華頂峯

登華頂懷遠梅

遲君天上來登此蓮花臺天與仙人近花從何日開相呼千里外唯有白雲回玉女峰頭月憐余獨舉盃

過仙人拍手崖

天仙大笑來人間可憐天上無青山白榆如錢落我手安得瓊樓亦賣酒青山把酒樂如何不

比仙官禮法多時乎時乎仙亦不可以蹉跎

山中暮歸

月外遠鐘聲催人下山去欲去復徘徊閒覓雲生處

吳雲裳乞酒

昨入神仙府天風下石梁笑聲吹不斷著我酒星傍此日誰相憶憑君奉此觴離愁易成醉晝夢白雲鄉

中秋夕登尖山懷吳澹川

我欲騎白龍去探潮之源茫茫但見月出處乃
在水晶盤內冰壺閒姮娥窺我昨遇天台飛瀑
入海先我而來我其來遲空繞蓬萊仙之人兮
尚無恙不來迎我何爲哉兩頭纖纖兩山雙娥
眉人影橫空秋風不吹如山之魚向明月以徘徊
勝遊亦有數母乃偶得之獨有故人咫尺不
可見口中大笑心中悲誰知海上中秋月似爾
平生曠世才

蒹江姪抵舍

仙人掌畔跨征鞍潦倒歸來也自歡忽見桃花
淚雙落去年曾向戰場看

送秦觀察入覲

我昔狂歌萬八千丈之峯巔我生此樂何可言
歸來謁公笑不已公亦呼我爲青蓮知己不易
得聚散皆前緣相思兮夢中相別兮湖邊湖之
水清且漣此中畫舫宜歌筵長官但少青銅錢
清風滿袖送朝 天致身卿相其固然君不見
人生富貴如卿相不若投簪更閒放桃花流水

遲仙官何日眠雲華頂上

朱廉石招遊黃山賦荅

養拙復養拙莫如山水窟江南山水深感君更
勸雲中尋九天之海雲爲水雲上芙蓉出海底
軒后因之棄天子萬古青山一知己吁嗟乎蟣
蝨小臣何足齒

浴湯泉竟訪呂山人紫雲菴不值獨遊

水簾洞雲門峯

浴湯泉水簾爲我下雲門爲我關枯槁空自笑

笑聲如荅泉潺湲山人入山久聞已凋朱顏朱
顏不須駐但須行樂如少年黃金成後亦何用
安能買卻三神山雲門請開簾請捲仙人其來
聽我言

上蓮華峯頂

俯視不見地亂山竄迢迢天都尚相抗揖讓不
敢驕銀河春酒香北斗挂若瓢天風花上吹此
身同飄飄路絕從何來誰知醉未消舉手爲雲
梯騰足爲虹橋白猿今已老不及容與豪

煉丹臺作

我樂不可道心似蓮花開連天太古松接地太古苔飛升亦可惜何如日登臺採花猿釀酒飲我三百杯紫牀與碧枕醉臥無纖埃恍惚已蛻化凡骨何有哉回頭笑曹阮爾輩非仙才

發慈光寺緣天都峯趾逕小心坡上一

線天抵文殊院是日五月朔寺中木蓮花已開曉寒似嚴冬尚

有雪

手把木蓮花何弗朝玉京墮井井底出面壁壁

上行一線亦已度線斷誰先登轉恐奇險盡不顧心魂驚忽在白雲上如睹海水平乾坤混一氣但聞天風鳴數峯出雲端海上芙蓉青雲開盡成雪紅日天上晴此閒勿咳唾身已列太清
緣天平砭上光明頂觀日出

客心忽厭黃山雲欲觀海上之朝暎朝暎未出雲已滅四望青天似圓月蓮華露未晞青鸞如欲飛五老起更早散花天女來何遲遙遙隱見者何物一縷錢江五色絲君不見人生悠悠隨

物類全錄卷三
所遭樂莫樂兮昔登日觀及華頂今日之樂仍
陶陶須臾紫烟繚繞羣峯高此時下界猶入夢
誰知賤子方凌霄月明請更來吹簫

松化石

古松成一峯峯上亦生松更閱千年後還添峯
幾重仙人皆蛻骨靈氣殆猶龍祇恐青山改軒
轅迷舊蹤

觀雲海

明月在海底六鼇不相憐所以星宿海奔流下

青天誰其走海來置之羣峯閒峯巔爲瑤臺余
亦臺上人行樂苦不早空爲妻子擾髑髏而含
珠豈若銜杯好吾將禮白雲於焉海上老

釋悶

獨上黃金臺兩目徒睢盱七尺之軀一尺面不
信難把窮愁驅男兒慎莫出入平津邸上書宰
相竟誰是男兒更莫躑躅富豪門縱喜任俠不
好文騎驢不解避京兆醉尉疑是今將軍
大笑出門樂復樂看書上延閣太平十二策何

物年村舍集 卷三
者匡時略眼中不識忠孝字縱得封侯亦落拓
虛生只恐同蜉蝣餓死何愁在溝壑不爾人生
且行樂

入天平山憩白雲寺同秋巖

石勢陡然起峰峰欲共飛偶來峰下坐閒與白
雲歸祇樹無人伐芝英不歲饑山中有真趣君
試掩山屏

王昭君

遠嫁呼韓邪闕氏來漢家天教身報國不敢怨

琵琶

贈范叔度侍御二首

海船風利去如飛頃刻蠻烟上鐵衣莫笑書生
難殺賊腰閒帶得髑髏歸
曾讀陰符逼夜寒竟隨飛將滅樓蘭十行露布
匆匆就馬上文章四海看

憶魴婢

并序

塘西自碧天橋以上半里許下至分
水亭所產魚似魴而小名曰魴婢脊

物類彙編卷之三
九
上有翠鱗大如豆俗呼一點青桃花
時翠卽褪又呼桃花魴婢惜無人詠
及此偶憶仙人掌茶自中孚與青蓮
贈荅始著於篇青蓮自序曰後之高
僧大隱知仙掌茶發乎中孚禪子及
青蓮居士則此魚殆發乎茗香云
燕姬樓上雙玉瓶春來勸酒酒醒醒誰憐回首
塘西路流水桃花一點青

古意

漢水鴨頭綠日出雞子黃巫山有雲雨何日化
鴛央

飛飛烏柏鳥飛上烏柏樹莫似廣陵潮纔來忽
又去

溪上口號

春艸生連春水邊夕陽欲墮起寒烟漁翁沽酒
入林去一隻鷺絲飛上船

湖上權歌

漁歌一聲遊騎停漁翁歷歷勸仙醺鯉魚風起

白蘋老南山北山深淺青

東鄰女

織女不渡河不為限無梁鳳凰遍人間亦僅等
鴛央有女異妖麗合儀束圭璋妹已生阿侯阿
侯漸扶牀昔時年十五早歸侍中郎玉輪轉金
車十里生輝光錢有三百萬分與買珠璫綵有
三百疋分與作衣裳看朱盡成碧轉綠空迴黃
蹇脩知爾心四顧時沈吟

東鄰婦

春江放芙蓉百草不敢芳采采情易畢東風吹
嚴霜妾實誓殃多命豈參與商昨亦入君室昨
亦侍君旁結猶繫君帶被猶爛君牀但得博君
歡妾願守空房君身惟自愛相思易感傷明月
有圓缺妾心流水長流水難上天夜夜望清光

酬曹嶢亭

歸來莫釐峯峯下開芙蓉明月自入夢白雲猶
在胸偶然賓主意遺此神仙蹤更逐秋風去青
山深萬重

物類彙編 卷三
山路不知遠行行入翠微澗泉迎客屐松月護
禪扉習靜無鐘磬留賓有蕨薇石牀寒未慣起
著水田衣

丁山湖詞

曲曲波迴面面汀亂流如玉碎瓏玲煙消月上
渺無際何處聞呼小洞庭

橘枝詞已唱雙鬟一舸斜陽試往還更有黃柑
堪下酒了山湖畔看丁山

宿吳山沈道士館

幾載倦遊客居然憇此閒杖邊鄰店酒枕上隔
江山風雨留余住神仙遜爾閒持杯來素女一
笑指煙鬟

聽孟廣文話遊天台之勝

萬丈台山路仙都不易窮白鬚紅樹外雙屐半
天中使我持杯聽今霄入夢同何人移瀑布耳
畔起長風

懷李大謹墀

讀書不凍餒其樂更何如知己儻結鄰豈復悵

白蘋老南山北山深淺青

東鄰女

織女不渡河不爲限無梁鳳凰遍人間亦僅等
鴛央有女異妖麗令儀束圭璋妹已生阿侯阿
侯漸扶牀昔時年十五早歸侍中郎玉輪轉金
車十里生輝光錢有三百萬分與買珠璫綵有
三百疋分與作衣裳看朱盡成碧轉綠空迴黃
蹇脩知爾心四顧時沈吟

東鄰婦

春江放芙蓉百草不敢芳采采情易畢東風吹
嚴霜妾實誓殃多命豈參與商昨亦入君室昨
亦侍君旁結猶繫君帶被猶爛君牀但得博君
歡妾願守空房君身惟自愛相思易感傷明月
有圓缺妾心流水長流水難上天夜夜望清光

酬曹嶢亭

歸來莫釐峯峯下開芙蓉明月自入夢白雲猶
在胸偶然賓主意遺此神仙蹤更逐秋風去青
山深萬重

重經富春

昨采湘湖蓴今日來富春船孃問我幾回到莫
負瀧魚白似銀灘灘迎客上誰更黃塵苦掉鞅
回頭往事忽已空我自吐氣如長虹飛入翠屏
裏躍入明鏡中天爲高臺生釣客也爲青山生
醉翁醉翁兮醉翁何弗遍遊滄海東命當窮餓
安可挽桃花無計留春風

懷柳村

瓜州渡邊酒侶邀月明支枕看金焦大江東去

花如海又聽何人話六朝

晤鐵雲卽言別

相見仍如夢他鄉又送人桃花紅不了不使更
傷春

上徑山

忽在白雲上如浮滄海中雲消常作雪天近但
聞風誰問棲禪宅曾爲避暑宮道人偏笑客何
事入寒空

山行宿自然上人房

物類彙編 卷三
山路不知遠行行入翠微澗泉迎客屐松月護
禪扉習靜無鐘磬留賓有蕨薇石牀寒未慣起
著水田衣

丁山湖詞

曲曲波迴面面汀亂流如玉碎瓏玲煙消月上
渺無際何處聞呼小洞庭

橘枝詞已唱雙鬟一舸斜陽試往還更有黃柑
堪下酒了山湖畔看丁山

宿吳山沈道士館

幾載倦遊客居然憇此閒杖邊鄰店酒枕上隔
江山風雨留余住神仙遜爾閒持杯來素女一
笑指煙鬟

聽孟廣文話遊天台之勝

萬丈台山路仙都不易窮白鬚紅樹外雙屐半
天中使我持杯聽今霄入夢同何人移瀑布耳
畔起長風

懷李大謹墀

讀書不凍餒其樂更何如知己儻結鄰豈復悵

離居牛無上齒駝無角人生安得萬事足

偕仇一鷗飲吳山

燕市客歸後誰合笑口開遙知春釀熟自有故人來
花鳥迎仙吏江湖抱酒杯踟躕問明月何處更樓臺

石湖打魚歌

打魚父三更入風波冬不得避冰雪夏不避雨
苦心之心顏色古錢在石湖酒在石湖樂哉誰使我打魚

送曉峯歸金華

如何欲送君花落忽紛紛遙指金華渡依然有
白雲風塵拂衣謝天水遠帆分不信江頭路今朝日易曛

溪上懷粹白上人

細雨入烟無影移烟艇孤遙遙若鷗鷺泛泛近
菰蒲予亦興不淺誰還攜以俱水花倘未落誰獻舊門徒

宿湖上

月外帶疎雨空濛水不如僧來人靜後琴弄晚
涼初揮手忽澄霽遙情在碧虛好風吹未已一
夕放芙蓉

黃村經徐元歎隱處

曖曖孤村影初疑無路通樵歸野煙白酒熟桃
花紅四海幾高士百年皆寓公此閒可耕鑿何
弗挹清風

陳華南郡丞招赴展重陽之會醉後口號
前年寒食天台路今歲端陽黃海間一夜相思

便搖艇又來攜手看青山

如何如何不飲酒花在眼前杯在手請看八十

尚紅顏只解終朝開笑口

座中余松枰
年已八十矣

錢塘懷古二首

將軍呼父誰堪敵帝室稱臣但乞盟那顧中原
無社稷始知遠見有書生十年功廢三人議一
紙魂飛五國城繞墓南枝空有恨秋風猶作渡
河聲

襄樊失守破金甌南渡君臣枉忍羞一代興亡

牧牛村舍外集卷三
緣幼主百年家國剩孤舟龍歸滄海天應泣雁
渡空江水不流玉柙珠襦亦塵劫冬青零落早
驚秋

牧牛村舍外集卷三終

牧牛村舍外集卷四

仁和宋大樽左彝著

過青鎮訪鐵雲時客遊未歸

浮雲知我心望望我何任歲晏正風雪美人猶
滯淫空思拾香草聊復彈鳴琴終夕不成寐絲
桐感已深

鄧尉山探梅

峯峯何縹緲飛繞梅花林我已峯頭立客猶林
下尋茅茨春酒熟雞犬白雲深今夜山家宿邈

物類全錄卷四
然太古心

酬屠二丈塞上寄懷

有時種羊如種麻
有時采玉如采花
千觔羊肉雙白璧
故人折麻花在家

和秦小峴廉訪秋暮約同人汎舟西谿
游菱蘆菴

搖艇不知處一溪
如此深有時春釀熟
無數梅花林誰更同
仙侶吾將彈素琴
經聲忽在水如聽滄浪吟

由菱蘆菴至秋雪菴仍取道西谿歸卽
與吳穀人侍講別

菴外一聲磬還同僧共探蘆花與楓葉處處繞
茆菴歸棹不能去離情非所堪江南故鄉好有
客往江南

壯士吟

知音非下里知己非黃金嗟哉千黃金而求一寸心
我燕歌若楚舞請看萬萬古惟有自生而死而血而
衄而灰土死安得重泰山豈若爲死

物類全錄卷四
二
憐烈女與志士不能奪以天艸不冬青河不西
流勿謂直如絃者死曲如鉤者侯而乃賣馬脯
懸牛頭

寄弟

兄幸有弟曷離鄉土月來自鄉土其色亦苦
父母念兒不開笑口父母開笑口家書在手

挽歌

生憂豺虎噬死憂螻蟻食豺虎尚可避螻蟻何
窮極

重阜故鄉山陰溝故鄉水行子苦思鄉樂哉長
已矣

宿虎跑寺

舊夢留禪榻蹉跎又幾年月窺泉脈細山護磬
聲圓知味憐菘晚忘機對虎眠蒲團應遲我何
日證前緣

訪韋九蓮花菴

落葉寺門滿秋來掃未曾離情天外雁寒夢佛
前燈游俠終何益艱危命有憑空將身世感搔

物類彙編卷四
首語枯僧

西湖秋柳詞

卻少長亭復短亭
青山流水惜飄零
六橋橋畔無人住
祇爲啼鳥不可聽

花阡銘

順治丁亥秋清遠朱庶常學熙殉節
先是嘗以古甞器葬落花於南禺黎
太僕遂球爲作花阡表

亡爾國敗爾家
毋糞爾落花落花生
文章成落

花死殉吉士

放言

紫海衣尚污虞淵
洗埃氛如何瑚璉器
乃碎爲玉塵
兩錢錐自利千金劍
寧論土牛逐獼猴
遲速更何言

齊縷雖纏綿誰爲繫
浮雲鬱鬱青松枝
不生葛本根
篇翰饜糟粕
鹵莽超等倫
何如蚩蚩者
醉語通典墳
公榮勿與飲
遐哉古酒人

西溪尋秋水菴

物類彙編卷四
四
聞鐘不見菴停舟溪上佇空問隔溪樵鳥聲亂
人語

過拂塵菴

木末僧如鳥林藏般若臺幾年樵徑斷何處故
人來江月當門白松花對佛開轉憐行役者車
馬亂黃埃

夢醒蒲團上松風忽啓扉烟深疑雨到潮遠似
泉飛有客心無垢棲禪願已違道人猶遲我同
飽北山薇

留別

欲行不行誰欵留江南三月酒家樓一聲子夜
腸堪斷不待烟波萬里愁

古風二首

深情終宇宙焉得無離傷玉女笑小姑何爲嫁
彭郎巨靈爲蹇脩大道唯陰陽至今無別離恩
情未可量姮娥邈含涕織女歎無梁夜長勿延
佇素琴聊晨張

朔風捲征人饑鷹戀其鞬邂逅六郡豪劍騎凌

物類本舍文集 卷四 五
諸侯握手罷遊獵，桐馬還椎牛。名姝閒弄瑟，促
尊屢回眸。歲暮莫鬱紆，良宴當春遊。妾心已自
惜，徘徊咽歌喉。但使遇知音，何用千金釀。文人
樂未央，擊斷珊瑚鉤。客懷空俯仰，誰與訴百憂。
述懷
入門歎未足，四顧復何之。老鳥離故巢，九雛啾
啾啼。九雛一飛去，老鳥欲銜歸。浮雲無繫戀，木
石無相思。春風吹遠道，吹愁到庭闈。願極故鄉
樂，報之以期頤。

昔人動遐想，有時慕唐虞。儻令逮唐虞，問君竟
何如。守拙返墟曲，世緣復何須。蓬蒿對門綠，因
之門巷紆。好風開我襟，清氣溢徐徐。兒童來攜
手，趣我相嬉娛。

贈方廣寺正暘上人

道人何弗飲，瓊漿花宮卻。在仙人鄉，乘船騎馬
兩無用。飛去飛來一石梁。

山居

失意休問天，山居多大年。周遭水晶域，寂靜羲

牛木齋文集 卷四
皇前古樹涼招月寒雲溼化泉吾將終日醉相
對伴高眠

山中早起

峯外日遲上聞鐘知及晨雲寒疑在水鳥下不
逢人遠道曾來往早行多苦辛霜華滿驢背空
憶故山春

奉酬秦小峴使君爲題台山遊草

賤子入京華不被鷗鳥嗔五侯七貴不願謁
日往西山看白雲白雲在天無點塵白雲還山

山爲鄰有時風吹忽飄緲化作梨花萬樹春天
台桃花復招我容如玉女嬌無那空山大叫無
人聞但見雲中花亂墮誰與通此山川靈騷首
茫茫上赤城偶逢夫子顧而笑黃鶴一雙相對
鳴

錢山人江上幽居

樓川此庶幾從未掩柴扉山逼江流折潮驅海
月飛文章續仙籙家世溯漁磯余意始好靜自
今識所依

江上過趙武林草堂

白雲如有情見客遠相迎鄰里時呼飲兒童懶
入城寒花對江淨獨鳥度秋驚好是歸田早蕭
齋夢亦清

海上袁古愚草堂曉起

世豈有桃花源人誰到蓬萊宮君家住海上海
霞日日桃花紅霞光曉逾爛天半桃花帶露濃
有時月西而日東

接友人書

黃河九曲入迴腸昨日朱顏今老蒼卻恐江南
望江北書來祇說在家鄉

懷楊秀才從軍廓爾喀

誰識弄柔翰居然膽氣雄儒冠將士外佛國指
揮中萬古青無草千山黑是風田廬歸自好慎
勿更論功

東坡生日同人設祀蘇公祠

峨眉山月湖上來水仙笑拉坡公回千金爲壽
豈公願請公常以湖爲杯淮海祠堂出雲表繼

牛牛村舍文集 卷四
以文忠曷可少靈之至今脩而髯七百年來未
曾老吳娃越女紛傳葩歌公好句何何呶啞漁翁
吹笛農擊鼓愛我太守如愛爺杭民何爲能爾
爾公之功德誠大矣公其掀髯樂無比又況時
平歲稔來清官昔日湖山更增美獨不見生前
饑寒有如此

湖上晤沈五研明府

湖月疑私我林風欲送人家貧一筇在官棄此
身真痛飲風塵外狂歌天地春梅花肯孤放好

與結比鄰

贈朱丈青湖

昨日已如古今朝何苦忙夫君真澹蕩與我共
徜徉渚柳漾空色風荷含妙香色香誰領取况
復入詩囊

寄懷輪香弟

故園兄弟自依依開封知爾淚沾衣猿聲聽慣
愁無奈况有家書喚早歸

苦寒行

朔風吹鐵衣行子心徬徨黃沙與雲齊白日不能長憶昔在家時酒煖圍爐香忽已來天山冰漿隔我腸指墮凍無血螫蟲如人僵劇哉偕行者大半愁死亡妻子不暇顧豈不思耶孃幸荷皇天憐藹然臨陽光

雜詠

青天太古色舒卷何洋洋俯仰傷局促行行陟高岡古人不可見如何不能忘彈琴攄蓄念飛鳥雙翱翔麒麟莫羈繫繇邈天一方

魂魄自相戲夢中洞精誠跣足濯滄海海若爲之驚蓬萊近可握幢節雙童迎顏色如嬰孩見我猶呼兄我亮身溷濁焉得凌風輕迷離復冀願目極空含情

鳳食青琅玕雖飢不啄粟孔雀渴飲泉那不被牛觸羣雞爭一飽到處成刺促豈必希榮難達人貴免俗阮籍去窮途千載無人哭

春風吹墟落芳草憐牛羊駭駟來故人今已侍中郎相逢異狹路憔悴敢自傷素絲黃復黑歧

物類集卷四
路南復北美人不同面各自矜顏色貴盛苟難
工何如貧賤得離居冀同心不在長相憶
尺蠖惛成響蟪蛄飛生風宏睿發深屋如彼山
谷空獅子小蟲吼亦恐驚雷公短歌聲何長叙
懷焉所窮吾自樂吾真勿爲知己陳

次徐州東彭使君

天際見彭城春犁盡出耕日蒸平野氣冰裂大
河聲俗儉流風古年饑仗吏清慨然思濟物慎
勿笑書生

贈劉松之

楚國風詩缺天教續以詞千秋有苗裔賤子得
師資香草猶餘幾瑤華更遺誰西風吹木葉吹
不斷相思

泊震澤口

得句夢中起正逢湖月生神仙來此夕豈有不
分明鼓柁杳然去浩歌秋思盈不知誰和我縹
渺聞吹笙

自會稽入上虞舟中作

澗道繚而曲船頭時傍山推篷翠微裏掛席松
風閒有客終朝樂如鷗一味閒榜人知此意七
十自紅顏

擬古

棄機在漢曲養智其以恬藥草貨東海落毛紡
江南美人澹無言思樂采其葦叶蛾眉縱疾人
不知疾無鹽園列亦已榮于飛有鷦鷯自媒恥
醜行勿表區區心

唐虞惟四嶽至周始有五至哉坤元德顯晦不

自主下士蒼蠅聲笑我心獨苦門無長者轍何
弗入公府混沌鑿之死好名失太古聰慧兒勿
愛癡頑哺用脯

復飲酒

花謝復花開舊醅復新醅未爲泉下人莫覆掌
中杯

故人自楚中歸

洞庭湖水不勝寒歸到江南花未殘醉後銜杯
莫惆悵猶疑身在異鄉看

寄曉亭遠梅

晨星復晨星江南老友曹曉亭示我田家詩幾
首我醉長吟輒在口惜哉未得同看山高臥柴
門亦已久石君侷儻士曾出塞門浮海水相逢
爲我話昔遊願同海月隨孤舟三更馬上還家
夢願爲塞鴈相迎送得歡幾日返吳閭我亦天
台飲玉漿惜哉二子隔天末不共銜盃臥石梁
仙墩聽罷時搔首誰把新詩入樂章

殘雪宿草菴

殘雪暮生靄松門猶未關爲誰獨長往邀月來
空山古石淨如洗枯僧相對閒今宵野菴宿夢
裏清心顏

牧牛村舍外集卷四終

先生自定學古集缺七律近體猶太白之旨也
然七律自是盛中之詩其五古之微有聲色者
五律之微近律切者長篇之似韓白者咏古之
少興寄者概弗錄入蓋先生爲詩極多論詩極
嚴如此今其孤從故紙朋舊中錄得如干首亦
可珍也謹閱而歸之嘉慶甲子七月廿三日後
學陳斌識

